

| نمبر | فہرست کتب         |
|------|-------------------|
| ۱۴   | ۱۔ نظم ابد الوفاء |
| ۹۶   | ۲۔ قلندر یان      |
| ۱۰۶  | ۳۔ حیدر یان       |
| ۱۱۶  | ۴۔ جامی یان       |
| ۱۲۲  | ۵۔ بکنا شیان      |
| ۱۲۱  | ۶۔ ششیان          |
| ۱۴۹  | ۷۔ مولویان        |
| ۱۷۰  | ۸۔ ادھیان         |
| ۱۸۲  | ۹۔ عالمی اعجاز    |
| ۱۹۷  | ۱۰۔ صوفیان        |



لاهوت وواقف کنوز دقایق جبروت و مکمل شعاع حرم و بیت و مکتب  
مقام ( و ماریت اندر بیت ) اولمغین صاحب صنوف جود و کرم و مظهر  
خطاب ( و علمک عالم نیکن تعلم ) اعنی سبب الاولین و الاخرین ( محمد  
الذی کان نبیا و آدم بین الماء و الطین ) زیرا حضرت آدم صنی علیه  
السلام نیجه ابوالاشباح ایسه کذلک رسول اکرم صلی الله علیه وسلم  
دخی ابوالارواح در نه کیم بو نظم له اول معنایه اشارت اولمشدر  
( نظم ) وانی ان کنت ابن آدم صورة \* فلی فیہ معنی شاهد بابتی \* کفتا  
بصورت از چه زاولادادم \* ارزوی مرتبه بجه حال برترم ( رباعی ) بداجده  
من قبل نشاء آدم \* و اسماءه من قبل فی العرش یکتب \* ببسته کل الثیین  
بشروا \* فلا مرسل الا لاجد یخطب ( بیت ) نبود عالم وادمه بود سیدما \*  
نبود هر دوسرا بود سید دوسرا \* و قصیده برده صاحبی بیورر  
( نظم ) منز عن شریک فی محاسنه \* فجوهرا الحسن فیہ غیر منقسم \*  
فاق الثیین فی خلق و فی خلق \* ولم یدانوه فی علم ولا کرم ( بیت ) بحسن  
و خلق زما کس بباد مازسد \* ترا درین سخن انکار کار مازسد \*  
هزار نقش براید ز کک صنع و بکی \* بدلیذیری نقش و نیکار مازسد \*  
هزار نقد بیازار کائنات ارند \* یکی بسکه صاحب عیار مازسد \* زیرا  
رسول الله صلی الله علیه وسلم مظهر اسم ذات اولغله اکل صور الیه  
ظاهر و نبوت تشریعی انزوده ختم اولسی باهر در ( رباعی ) ای  
مصحف آیات الهی رویت \* ای سلسله اهل ولایت رویت \* سرچشمه  
زنده کی لب دلجویت \* محراب نماز عارفان برویت \* و فضولی بغدادی  
مدح رسولده بیورر ( نظم ) ای قصه بهشت ز کویت حکایتی \* شرح  
جمال حور ز رویت روایتی \* کو توردی ریوزندن معجز املاک مسیحایی \*  
بر اقدی خاکه حسنه آفتاب عالم اراپی \* و ر حیق رضای احد بیچونکه  
ما صدق ( ختامه مسک و فی ذلک فلیتنافس المتنافسون ) در ریاض  
ارواح آل و اصحابه ریزان و امطار بحباب رحمت و مغفرتکه مظهر  
کدورات درون و بیرون مرقد مظهر لرینه فراوان اولسون چون  
مطلع کتاب سعادت تصاب حد خدای بیچون ایله غرا و نعوت رسول

اکرم ایله مطرا اولدی پس لایقهٔ آخری اولدرکه رفحواى صداقت  
 احتواى سلطان ظل الله فی الارض بوله بنوامدهٔ غیب مکتون هدایت  
 نمون بنای پادشاه عالمپناه سعادتمقرون ایله مشحون اولوب زیور دور  
 عبرت نماسی جهان آرا و منظور عرفا اوله زیرا که دین ایله دولت  
 شهنشاهی توامان و بربرینه حارس و نگهبان ایدیکی محل کان و جای  
 امتحان دکلدر (نظم) بدان ای خرد منددجان آفرین \* برادر بود  
 پادشاهی و دینی \* نه بی بخت شاهی بود دینی بی پای \* نه بی دین بود پادشاهی  
 بجای \* زیرا حقایق شرع متین شمشیر سلاطین دین ایله آراسته و تیر  
 صف شکن ملوک ایله پیراسته اولوب خشیت شمشیر لزدن اعدای  
 دین مقهور و کریان و خوف تیغ لزدن جلهٔ کفرهٔ کفار قبول جزیه  
 ایله مهان اولدیلر لا جرم پادشاه ارجند و مالک ملوک سعادتمند که  
 ظفر اوای کشور کشاسیله ملک جهان اولان ممالک و بلدان مقر اهل  
 ایمان اولوب اجداد عظام لری زماندن الی هذا الان دیرلر مساجد  
 موحدین و صومعهلر معابد مسلمین و مؤمنین اولشلردر حتی اول عارف  
 کامل نامی مولانا عبدالرحمن جامی خراساندن مرحوم ابوالفتح محمد  
 خان علیه الرحمة والغفران حضرتلرینه عبودیت نامهٔ منظومه ارسال  
 ایلدکده بومعنایه ایما ایلشله (یت) معدن کفر و معبد اصنام \* شدن زجهدهش  
 چوقبه الاسلام \* حقا که بودر که بساط ارض ید حکمتله بسط و احیا  
 وقبهٔ کردون دست قدرتله رسم و بنا اوانوب خلاصهٔ عالمیان اولان  
 نوع انسان عالم شهادتده چهره کشا و مالک ممالک آدمیان اولان  
 شاهان جهان تخت نشینان سریر سعادتمند جلوه نما اولهلی زمرة  
 سلاطین آل عثمان ایدهم الله الی نهایة الزمان مانند رافع رایات اسلام  
 و دین تابع شرع متین و مجاهد فی سبیل الله و منقاد امر اله پادشاه  
 دینی پناه و سلیمان جاه کلدی (قطعه) آفتاب سایه کستر سایهٔ لطف خدا \*  
 زبدهٔ ارکان و انجم حاصل کون و مکان \* مشتری رأی و عطارد فطنت  
 و مریخ درم \* آفتاب و زهره مطرب ماه کیوان سایبان \* ای نوشته در ازل  
 منشی حکم لم یزل \* از برای دولت منشور ملک جاودان \*

(اعنی)

اعنی حضرت خداوندگار دوران سلطان سلاطین فرمانده زمین وزمان رافع ربابات شرع نبوی فروزنده شمع دین مصطفوی سلطان الغرات والمسلمین قاتل الکفرة والمشرکین خادم الحرمین الشریفین خلاصه پادشاهان زبده سلاطین آل عثمان مطیع نص آیه ( ان الله یأمر بالعدل والاحسان ) الا وهو السلطان ابن السلطان السلطان محمد خان ابن السلطان مراد خان ابن السلطان سلیم خان زین الله سریر العز بوجوده وافاض علی العالمین افضال بره وجوده اللهم خلد سلطنته الزهراء واید بنصرک قدرته الغراء وسکرها رقاب الاعداء واجعل عمره اطول الاعمار ودهره ایمن الدهور والاعصار بحرمة نبی المختار صلی الله تعالی علیه وسلم وعلی آله الاخیار ( سبب تألیف کتاب مستطاب ) برشب خورشید سپهر آشیان چرخ فلکده نهان ومخفی اولغله اولدم حواس ناس معطل وبی تاب وروزنه دیدله بی بسته خواب اولغله مرغ باللری عالم بالایه مثال هما پروبال کشاده ایدوب پرواز وملکت خیالی سیران قیلوب دیده جانلرینه نیجه شبنی نمایان اولور ایکن بوغزده چرخ ستمکار والم کشیده روزگار خدار ( عمر ابن محمد الشهیر بقره فاش زاده ) جعل الله التقی زاده وافر کل یوم عمله وزاده غم سپهر بیوفا ایله بیدار اولوب بو حالت ایله محرومه بروسه عن شوایب النحوسه ده حال عالمه و احوال آدمه فکر دقیق ونظر عمیق ایله نظر ایدوب بو عصرده « من تمسک بسنة سید العالمین عند فساد الخلق واختلاف المذاهب والممل کان له اجر مائة شهید فانه کالقابض علی الجمرة » مفهومی اوزره فی زماننا فرق ضالة بیشمار وایم مضله بسبار درولکن جملله دن اشهر و اظهر اولان طوائف عشره که « ابدالان روم و قلندران هر رمز ربوم وطائفه حیدریان وکروه جاییان و جماعت بکتابشیان و مریدان شمسیان و درویش مولویان وادهمیان و عالمان عاملان و صوفیان زمزمه سبدر » اما بو ذکر اولسان طوائف هربری برکونه جامه لره پوشش و برکونه حال لره جنبش ایدرلر اما انلرک بعضیهی تابع سنت نبوی و سالتک شاه راه

مصطفوی اولوب علم و عمل ایله کامیاب ( و مقام طوبی لهم و حسن مآب )  
 برله مشرف و مستطاب اولمشلر و بعضی لر سنت احمدین دور  
 و شریعت محمدین مهجور اولوب نفس شومه سرگردان بلکه محض  
 شیطان اولمشلر ( بیت ) تعویذ ایله کبدر دیمه شیطانی زاهد \*  
 مغلوب نفس اولان کشتی شیطان محض اولور \* اما بوطوائف مزبوره نك  
 مقدمایرلی پیشه حقیقتده شیرل و میدان محبته دلیرل اولوب برعارف  
 رهمنون و ماصدق ( الا ان اولیاء الله لا خوف علیهم ولا هم یحزنون )  
 مضمونی اوزره اولملری شهبه دن عاری و قبل و قالدن بری ایدیکی  
 خاطر فاترده مرسوم و طباع عرفایه علوم ایکن طوائف مرقومه نك  
 ضلالتنه سبب ندر دیو بواندیشه ایله دریای حیرته غریق و نار  
 تشویش ایله حریق اولوب انلرک غور حالرینه اطلاع فکر یله دیده  
 اضطراب و دروننده بونار اندیشه التهاب اوزره ایکن روزنه دیده لم  
 بسته خواب و عالم معنیدن فتح باب اولوب اولدم آسمان ولایتده  
 مهر منیر و صدر کرامته صاحب سریر اولان بریر روشن ضمیر منیر  
 ظهور ایتدیکه مه رخساری شمس عالمنا بدین انور ایدیکی و سیمای شریفی  
 وصفی خامه معجز بیان ایله بیان اولمقله قابل امکان اولمدیغی نمایاندر  
 اولدم اول پیر سعادت قرین و واقف سریتین زبان ملج و ادای فصیح  
 ایله دیدیکه ای طالب سراجوال ناس طوائف اناس ایله استیئاس ایدن  
 اهل احساس یلورکه بواهل لباس قسم نك اکثری ناس دکل بلکه  
 نس ناس ایدیکی محل التباس اولمغین شریعت و طریقته مخالف اولان  
 گروه مکروهک مش کللربنی خامه انشا ایله حل و عقد شهبه لرینی  
 دست کره کشا ایله منحل قبل دیو بیوردیکه « خذ هذا الكتاب و افتح  
 الباب و اکتب ما یخطر ببالک من الاسرار و التبع الشریعة و الطریقه  
 من الاخبار » دیو نطق ابلد کلرندن هیئت ادا لردن وجود وضعیفم  
 مانند نك خزان منفعل و لرزان اولوب خواب غفلتدن بیدار و عالم  
 ناسوته کلکله عالم لاهوتدن بیدار اولوب بورؤیای صادق و واقعیه  
 فائده دن درون محزونم و ضمیر مکنونم پرسرور کورر اولدم شکر خدای  
 ( واهب )

واهب الامال واسباس بادی متعال اوزره مواظب اولوب مضمون  
 منیف « الشاکر یشحق المزیذ » ومعنای لطیف \* شکر سوی شهر  
 سعادت برد \* هر که کند شکر زیارت برد (نثر) مفهومی اوزره شکره  
 مداوم اولوب رؤیای مذکور مک اشارت و تأویلاته ناظر و آثار نکات  
 منتظر ایکن (منوی) قائد اقبال کلوب بر سحر \* مرده قلوب شوقله  
 و پردی خبر \* مقدم پاکن دیدی بر حضرتک \* سو بلدی یوز طوطو غنی  
 دولتک (نثر) اولدم بر مرد سخن پرور صاحب کمال و سر دفتر اهل  
 مقال و مالک در دریای وفور هنر و مرکز پرکار ظهور عبر و صیرفی  
 نقد کلام و مر دعارف صاحب احشام و طوطی \* کویای شکر خای  
 و برج سعادت شرف افزای و یار صدیق و مؤنس رفیق غمخانه من  
 نور قیاب مائده ماه منزل آرامگاه ایدوب دید که ای بلبل کلزار  
 بیان وای طوطی شکرستان سامی مکان بو بنده برکاب مستطاب  
 وارد که مضمون مکشونده اول طوائف عجیه و لطائف غریبه بیان  
 و عیان اولمش در لیکن بود یار جلیل المقدارک اهل بسی مقتضای سنج  
 لسان ترکیده عربی و فارسی ادا لاله ملمع و عبارات انیده فائقه ایله  
 مرصع اولمغین مقبول طبع ظرفای جهان و پسندیده انباء زمان  
 اولوب نظر عرفاندن دور و محاسن اهل دلدن مهجور اولوب نسبا  
 منسبیا اولمش در چونکه اول یار صادقدن بواحوال عیان و سر  
 واقع مزدن بو صورتده نمایان اولدی اولدم معنای واقعه خذ هذا  
 الکتاب و افتح الباب جلوه کرو بو الهام سابق غیبیدن بهره ور  
 اولوب دیدم که ای یار صدیق مؤنس موافق وای خیر الاصحاب رفیع  
 الجناب اگر چه بو بایده دور الهیده توکل و همت یارانه توسل ایدوب  
 بو کتاب پریشان الفاظن در ناسفته سن الماس طبع ایله سفته ایدوب  
 علی وجه الاهتمام رشته حقایق ایله انتظام و یرمک قابل در لیکن  
 مضمون « من الف فقد استهدف » فحواسی اوزره تبر طعن اعدایه  
 نشان و تبغ تشبیح اهل ستمه سپر امتحان اولمق لازم کلور شکم فصحا پرور  
 (شعر) خلیلی کم صاحب فی الناس صاحب \* نمایان لی منهم سوی الصد

والعنا \* فصاحت ابتداء الزمان فلم اجد \* خلیلا بلا نقص صديقا بلا اذا  
(نثر) زیرا ابتداء زمان اگر شعر حسان و فصاحت سلمانده اولسه دیده انصاف  
ایله نکران و امعان نظرله اذعان ایتوب مجرد دخل و تعرضی ظرافت  
بلکه باعث فصاحت و بلاغت عد ایدرلر دیجک اول یار عالی همت  
و اول مالک ملک فتوت جوابه آغاز ایدوب دیدیکه ز یرا قدیم الایامدن  
دل آهن دل تیر طعن اعدایه نشان و محن قضا و قدرله امتحان اولوب  
و مضمون منیف ( و انبأونکم ) بوحاله شاهد عادلر امدی بوقیل  
و قالدن بری و صحاری اعتذارده سرسری کز مبوب تختیکه نظم ونثره  
مثال خاقانی و طبع سلیمکله مانند سلیمانی سعی بلیغ و همتی اخوان  
و یاراندن در یغ ایتوب بو قصص پر حصص عبادات لایقه و الفاظ  
رایقه برله ز یور تاج فصاحت و بلاغت شمار ایله دیو اقدام ایتد کده  
اولدم کره متی در میان و قوت بازوی عیان ایدوب حضرت خدای  
پیچونه دعا و عرض نیاز ایله رجا ایلدمکه بو کتب مستطاب ترتیب  
و انتخاب صد دنده روی سنجندن رفع نقاب و جمال معایندن کشف  
حجاب مبسر و مقدر اولغله منظور احباب و مقبول اولی الالباب اوله  
اما کتابمز اوز زمان مقبول جهان و پسندیده فصیحای زمان اولور که اول  
جناب رفیع الشان و منبع الجود و الاحسان مقرب الحضرة السلطانية  
مدبره مصالح المملكة مشیر امور السلطنة سمي جناب شیر خدا معز  
اهالی الی مسامع القبول و مباهج فرائده مقبولة فی مجامع الفحول ز یرا  
جناب شیر یقلری بین الناس مکارم اخلاق ایله مذکور و محاسن  
اعمالی صحنائف جهاند مسطور اولغله دعای دولتری اهل دله  
لازم بلکه امر مهمدر و باب سعادت مابلرینه دعای خیرله اسفنداسب  
حصول مراد اولغله هر بری رفعت ایله انکشت نما اولوب دولت  
ایله مرجع جهان و مفخر اقران اولدیلر چون جناب شیر یقلری  
معارف و کماله و اهل دله طالب اولغله اکثریا دولترینه بنده اولان  
ز یور معرفتیه آراسته و فضل و دانش ایله پیراسته اولوب بوداعی  
حزینی و حقیر کترین دخی دیده غم دیده می اول توتبای عزنده مکمل  
( قتلغله )

قلقه و سبيله نام اولمغچون ( اشجو نور الهدی لمن اهتدا ) نام کتابی نام  
 شریفارینه تألیف و تحریر ایللم اولذات سئوده صفات بوله بوتحقفه  
 حقیری مأمولدرکه حسن قبول ایلله مقبول بیوره لر حقا که سلطنت  
 زاهره آل عثمان ایدها الله تعالی الی نهایی الزمان آسمان جهانبا بنده  
 نمایان و وجود بر جود لری کی نظام الماک و بلند اختر روشن ضمیر و اهالی  
 پرور بر جناب نعم المأب و رفیع الحساب صدور و ظهور ایتمش دکلدر  
 زیرا اوصاف حیده لری تعریف و توصیف اولنقی مرکز دأره امکاندن  
 بیرون ایدوی معلوم ذوی الفتوندر ایدمی صحایف کلام سعادت انجم  
 جواهر مدح و ثناله اختتام اولنقی سرزا کورادی پس شمد نصکره  
 فکر لایق و رأی موافق اولدرکه رکن همتی واثق و صبح امید  
 صادق ایدوب حضرت باری یه توکل و الطاف الهیه یه توسل قبولوب  
 هر لفظه ده لطف حقه اسنناد ایلله شرح مافی الفواد ایدرز و هو  
 الموفق الی طریق الرشاد \* در آغاز کتاب شیرین خطاب \* راویان اخبار  
 بلاغت آثار و ناقلان فصاحت شعار صحیفه عالمه بواسلوب اوزره  
 تحریر قتلشکرکه ولایت خراسانده بر مخزن جواهر اسرار قدم و بر شیخ  
 اکرم وهادی طریق الفقرا و الغنا و مرشد مناهج الصدق و الوفاء  
 مطلع انوار کالات منبع اسرار اتهامات سلطان سریر شوق  
 و عرفان خورشید سبهر ذوق و وجدان بصورت هادی راه ولایت  
 بمعنی قطب کردون هدایت بر شیخ کامل وار ایدیکه نام شریفقه  
 خواجه جهان دیرل ایدی هر وجهله سعادت ذبیویه نائل و جلله  
 مراداتنه و اصل برکسینه ایدی اما سلبدن بر ولد صالح ایتماش  
 ایدیکه اکا کنندینک قوعلوم ظاهریه و باطنیه سنی تعلیم و مقصود  
 وارینی تفهیم ایدوب بو جهان فانیدن سرای باقی یه رحلت ایلد کده  
 کنندیلرینه خیر خلف او ایدی ( رباعی ) اولز آبیاه بوندن اوزکه  
 شرف \* که قاله یرلنده خیر خلف \* فحواسی آخر الامر خواجه  
 جهان بومر ادک حصولنه « ادعونی استجب لکم » فحواسی  
 اوزره دعایه مواظب اولد قسده نیر مرادی هدف اجابتنه مصادف

اولوب مهب الطاف الیه۔ دن برنسیم عنبر شمیم اول بوستان  
 سعادت وسیم صوبه تنسیم ایدوب نهاد وجودنده برکل تازه شکفته  
 اولدیکه مشام عالمیان فایحه طیبه سبیلہ معطر و دماغ آدمیان رایحه  
 مسکبه سبیلہ معنبر اولدی چون خواجه جهان بو مرادنه واصل  
 و ذکر اولئان اوصاف ایلہ متصف بر فرزند ارجندی کتم عدمدن عالم  
 وجوده داخل اولدی اولدم اول ثمره شجره غرمتک نامی نتیجه جان  
 قویوب جله خراسان اهلنه شکرانه ایچون مثال فرش بوقلمون نعم  
 کونا کون بذل ایدوب فقرا یه مال فراوان واحسان بی پایان ایتد کده جله  
 اهل خراسان پیرو جوان نتیجه جانه دعا ایدوب بو بیتی ورد زبان ایتد بلر  
 ( بیت ) دومر اد نشاط و راحت روح \* باد عمرش هزار سال چونوح \*  
 ( نثر ) چون اول خلاصه روح روان یعنی نتیجه جان مرور ایامله  
 درت یاشنه واصل و درجه تعلیمه قابل اولدقده پدری خواجه جهان  
 تعلیمه مباشرت ایدوب علم و عمل ایلہ واصل مراد و داخل طریق رشاده  
 مباشرت قبلدی چارده ساله اولنجه بعنایه حی و قبوم مهمات دینه  
 متعلق اولان احکام و عاومی اکا تعلیم ایتدی اما نتیجه جان باراده الله  
 ولایت حسنه شاه اولوب کوندن کونه خورشید جمالی تابان و نور رخساری  
 درخشان اولوب بو حسن ایلہ موصوف و جمال با کمالی ایلہ معروف اولدی  
 اولدم صدای صباحی و صبت ندای ملاحی عالمه شایع اولوب مهر  
 رخساری آسمان و جمال با کالنه عالم حیران و نار محبتی ایلہ قلوب نبی آدمی  
 سوزان اولوب خون سرشکلرین روان و ملکیت صبر و قرارلرین ویران  
 ایدوب هربری بوایاتی ورد زبان ایتد بلر ( شعر ) و طوفان نوح عند  
 نوحی کادمی \* وایقاد نیران الخلیل کلوعتی \* چون خواجه جهان  
 پیرو جواندن بو حالات عشقی و بو مقالات شوقی مشاهده ایتدی  
 خلقک بوشدت اضطرابی تلین و نار عشق لرینی تسکین ایچون اوغلی  
 نتیجه جالک آفتاب جمالنه نقاب احتجاب پیدا ایدوب بوکره عشاق  
 پراشتیاق دخی زیاده آشوب و اضطراب و نار درونلری شراره فراق ایلہ  
 التهاب اوزره اولوب دریای محبت لری جوش و خروش و فرزند اهل عیال لرینی  
 ( بالکلیه )

بالکلیه فراموش ایدوب جنبه ناموس و عاری چاک و باشلرینی غم فراق ایله  
آوده خالک ایدوب خواجه جهالک سراینی کعبه مثال طواف و نیجه سی  
اطرافنی اعتساف ایتمکله خواجه جهان اوغلی نتیجه جانه دیدیکه  
ای نور دیده پدر وای سرور سینه مادر بو شهرک خلقنه سنک جمال باکالک  
عشقندن فتنه و آشوب و محنت غیر محسوب حاصل اولوب کار بارلندن  
فراغت و فرزند و زنجیرینی گرفتار مذات قیلدیلر رأی صواب بودرکه  
بودیاردن سفر قیلوب بو خلقک شدت واضطرارینی تلبین و شراره  
محبتلرینی تسکین قبله وزا اگر خدای عزوجل موتدن امان و یرسه خراسان  
اقلیمه کلوب دوسه تلر ایله همپوسه تلر اولوب بر بر یزدن لذات معنویه  
و حرکت اخرویه قبله وزا اهل خراسان دخی جمال باکالک سیرندن دور  
وامید و صلکدن مهجور اولیجقینه اولیکی حاللرینه مشغول و کار و بارلرینه  
مواظب اولملری مأمور ای روح روانا اگر بز بودیاردن رحلت و شهر  
آخره عزیمت ایلر ایسک ناسک امیدلری جهالک سیرندن منقطع اولوب  
آرزوی دیدار کله مست و شیدا بلیکه بو خلق ایچره کیدرک نیجه آشوب  
و غوغا پیدا اوله جق نتیجه جان پدری خواجه جهاندن بو کلمات  
مصالحات آمیز و حرکات صداقت انکیزی استماع ابتدی اول دم پدر  
عزیز نیک پند مقبولی دل و جان ایله قبول ایدوب دیدیکه ای پدر  
صاحب قنوت وای مرشد راه حقیقت همان جنم سه فرایتمکله عزیمت  
و روی زمینی کشت و سیاحت ایتمکله اقدام و اهتمام ایدلم زیراهجرت  
سنت ایدوی ظاهر و سفرده نیجه اهل دل صحبتی ایله قنوت شتی ده ماهر  
اواسی قابلدر ایمدی ای سه پهر هدایت وای جشید سر بر کرامت  
رأی صواب اولدرکه بوجست و جو و بوتک و پوده بو تقریب ایله  
هر طائفه نیک مشربن و دین و آیین و مذهبن دست معرفتله محک عیاره  
چکوب همتمزی بو بایده صارف و اسرار قابو طوائف مختلفه یه عارف  
اوله وز پس خواجه جهان اوغلی نتیجه جانندن بو گونه خبر بر عبری  
و کلام مسرت اثری استماع ایدوب دیدیکه ای روح روان چونکه مرادک  
هر طائفه ایله اختلاط ایدوب سیاحت ایتمکدر بوجانه ایله اول

عزم و جزمین کعبه شریفه شرفها لله تعالی جانبنه اولسونیکه زمرة  
 حجاج بیت الله حرامه داخل و روضه رسول اکرم صلی الله تعالی  
 علیه وسلم زیارتیه مشرف اولغه نائل اولوب واصل کعبه مقصود  
 و عبادت (حی و دود) برله تمتتک (عروة الوثقی) و دخول حرم  
 «ومن دخله کان آمناً» ایله مقتنم اولوب نرین حجاج الحرمین  
 و زائر الصفا و المروتین الساعی بین المیلین الاخضرین زمرة سندن  
 اولغه سعادت دارین نصیب اولور و هم اول اماکن مطهره و مواضع  
 منوره مرجع مخلوقات جهان و مجمع کزیده نوع انساندر اول شهر  
 جایی القدرده برخانقاه عالی بنیاد ایدمه ایچنده دل خانه سن متصل  
 و اول خانه چار ارکانده اعتکاف قیقلغه آینده و رونده ایله مشرف  
 اولوب اولکترین حضرت علی کرم الله وجهه آسا مثال فرش بوقلمون  
 نم کونا کون چکوب هر برینک آیین و دینلرندن خبردار و هر برینک  
 حالتدن آگاه و حصه دار اولهوز بن خود جبع مذاهب و ادیان بیلورم  
 و قو اسرار ملله واقف و عارف اما سنک مراد کجه اولوب بو حال  
 اوزره ساوگ ایدلم تاکه سندی بنم بیلدوکه واقف و درجه کمال  
 عرفانه عارف اولوب مذاهب باطله دن حذر اوزره اولوب علمکله عامل  
 و مذاهب اهل حق اوزره کامل اوله سن دیدی چون نتیجه جان پدیری  
 خواجه جهانندن بو کونه نصیح و درر باری کوش ایتدی اولدم اسباب  
 سفری آماده و اصحاب و احبابی خیر دعاده اوقیوب موجود اولان  
 عبدلرینی برفاچ جاری لرینه عقدنکاح ایدوب سرایلرینه قودیلر و کندیلر  
 عزم راه کعبه قیلدیلر فرداسی علی الشکر عادت معهود اوزره اهل  
 خراسان پیر و جوان تالان و کریان وزار و سرکردان خواجه جهانک  
 سرابنی کعبه مثال طواف و استنانه اعتکاف ایتکه بشلدیلر  
 اولکون خواجه جهان و نتیجه جاندن اثر بولمیلر اوچکون بو حال  
 اوزره مرود و سرای خواجه دن عبور ایتیموب نار فراق ایله خواجه  
 جهان و نتیجه جان عزم سفر قیلدیلرندن خبردار اولوب جمله سی  
 فریاد و فغان و بقله لرین چاک و باشلرین آلوده خاک ایتدیلر انلرکه عاشق  
 (و صادق لر)

و صا د ق ل ر ا ی د ی و ق ی ل و ق ا ل ل ر ی م ا ف ی الب ا ل ل ر ی ن ه م ط ا ب ق ا ی د ی ق ط ع ع ل ا ب ق  
و ع و ا ی ق ا ی د ی ب ا و ل م ع ش و ق د ل ا ر ا ی آ ر ا ی آ ر ا ی ل ی ل و ن ه ا ر ک ش ت  
و ک ذ ا ر ت ر ک د ی ا ر ق ی ل د ی ل ر و آن ل ر ک ع ا ش ق ک ا ذ ب ل ر و ت ل ی ی س ا ب ل ی س و ن ف س ه  
ر ا غ ب ل ر ا ی د ی ذ ک ر ذ ل ا ل و ص ا ل ا ن ف ص ا ل ی ق و ی و ب م ک ا ن خ ر ا س ا ن د ه ق ا ل د ی ل ر  
و ع ش ق د ن ف ر ا غ ت ا ی ل ه ا ن س ا ن س ل ی ک ن د ن چ ی ق و ب ب ی ع ش ق ح ی و ا ن  
ن ا ط ق ب ل ی ک ه ح ا ر ن ا ه ق ا و ل د ی ل ر ز ی ر ا ا و ل ق ط ب ا ل ح ر ا ر خ و ا ج ه م ح م د  
ع ط ا ر ق د س س ر ه ب ی و ر ر ل ( ب ی ت ) ه ر ک ه ع ا ش ق ن ی س ت ا و ر ا خ ر ش م ر \*  
خ ر ب ی ب ا ش د ز خ ر ک م ت ر ب د ا ر ( ن ث ر ) و ا و ل ع ش ق د ن ب ی خ ب ر ا و ل ا ن  
خ ر ل م ع ش و ق ل ر ی ن ک ب ر ا ی ب ی ک و ن ه ج ر ا ن ی چ ک م ک ل ه ع ش ق د ن ف ر ا غ ت  
ا ی ل د ی ل ر ک ه ح ی ی ک و ص ل ی ص ف ا س ی ک ی ه ج ر ی ج ف ا س ی ن ی ط ا ت م ی ا ن ک ی م س ه  
ع ا ش ق د ا ع ی د ک ل ب ل ی ک ه م ق ل د م د ع ی د ر ع ل ی ا ل ح ص و ص ک ه ق ر ب ج ا ن ا ن  
ج و ف ی ه ج ر ا ی ل ه ع ا ش ق ه آ ت ش س و ز ا ن و ب ع د ج ا ن ا ن ا م ی د و ص ا ل ا ی ل ه ش م ع  
ت ا ب ا ن ا ی د ی ک ی ا ه ل ع ر ف ا ن ه ع ی ا ن و ن م ا ی ا ن د ر م ح ص ل خ و ا ج ه ج ه ا ن ا و غ ل ی  
ن ت ی ج ه ج ا ن ا ی ل ه س ف ر ا ی د ی B م ت ر ل ب م ن ز ل ع ز م ا ی د ر ک ک ع ب ه م ک ر م ه ی ه  
و ا ص ل و ح ر م ب ی ت ا ل ل ه ا ل ح ر ا م ه د ا خ ل ا و ل د ی ل ر ت ق ر ی ر س ا ب ق ا و ز ر ه ش ه ر ک  
ک ن ا ر ن د ه B ر خ ا ن ق ا ه ع ا ل ی B ن ب س ا د و ط ب ی خ ن ع م ا ی ج ا د ا ی ن د ی ل ر و ا ی چ ن ه د ا خ ل  
ا و ل و ب ع ب ا د ا ت و ط ا ع ت ق ی ل د ی ل ر خ و ا ج ه ج ه ا ن ا و غ ل ی ن ت ی ج ه ج ا ن  
ا ی ل ه ع ا د ت م ا ل و ف ه س ی ب و ا و ل د ی ک ه ص و م ه ل ز ن د ه ص ل و ت ص ب ح ی ا د ا و ش ک ر  
خ د ا ق ی ل و ب خ ا ن ق ا ه ک ق ی و س ی ن ک ش ا د ه و ن ع م ک و ن ا ک و ن ل ر ب ن م س ا ف ر ه  
آ م ا د ه ا ی د ی B B ر ر ک و ش ه د ه Q ر ا ر و خ ا ن ق ا ه ه ک ل ن ط و ا ن ف M م خ ل ف ه ک آ ب ی ن  
و م ذ ه ب ل ر ن د ن خ ب ر د ا ر ا و ل و ر ل ا ی د ی و ه ر B ر ی ن ک X ل ا ف ش ر ع ش ر ی ف  
ا و ل ا ن م ذ ه ب B ا ط ل ه S ن د ن و ا ک ا ذ ی B ب ی م ع ن ی S ن د ن ق ی ل و ق ا ل و B ی ح ث  
و S و ا ل ا ی D ی B ح ق ا ی ل ه R S و ا ی ع ا ل م ق ی ل و ر ل ا ی D ی ک و ن ل ر د ه B ر ک و ن  
ص ل و ت ص ب ح ی ا د ا و ش ک ر خ د ا ق ی ل و B ع ا د ت M م ه و د ه ا و ز ر ه خ ا ن ق ا ه ه  
ک ل د ی ل ر B ر ک ر و ه ع ی ج ی B ظ ا ه ر ا و ل و B ک ل و R \* آ م د ن ط ا ن ف ه ا ب د ا ل ا ن  
B خ ا ن ق ا ه خ و ا ج ه ج ه ا ن \* ر و م ا ب د ا ل ل ر ی ق ا ن ی و ح ی ر ا ن و S ب ن ه ص د چ ا ک ل ر ی  
ع ر ی ا ن a l l ر ن د ه S ه د ه چ ر ا غ و ل a ل ه ص ف ت ج S م ل ر ی B ر د ا غ D ا ر ه Q د و M ل ر ی ن

دوکه دوکه وهرنوبت بونوزلین چاله چاله رفص زنان ونمره کتنان  
 باشلری قبی وایلین ابق تنلری چبلاق برتنوره لری وار انجق میانلرنده  
 بالهنك بر زنار قوشاق و اوموزلرنده بر ابو مسلمی نجاق والرنده  
 سردسته نامه بررچوماق ویا نلرنده ایکبشر جرعه دان برنده قاو چقمق  
 و برنده اسرار ایدوی محقق و بللرنده دخی ابدالنه بر صاری قاشق  
 و برر کوشکول صارفق و بدنلری پول پول یانق آتش یلر ایدوکنه  
 داغلری دانق و سینه لرنده شکل ذوالفقار علی و کیسه نك بهلوسنده  
 نام حیدر کرار ولی و کیسه نك بازوسنده هبت مار و جله سنك شققلرنده  
 داغی وار کورنلر دیرکه هذه علامه انشار بوجهور مقهور و طائفه  
 پرشور و سنت احدیدن دور و مهجور سرور و حبور ایله خواجه  
 جهانت خانقاهنه متوجه اولدیلر خواجه جهان دخی انلری بوصورت  
 نامشروع وسیرت نامطبوع برله کور یجک طبعنه خوش کلمدی لیکن  
 صاحب خانقاه اولغله « اکرما الضیف و اوکان نصرانیا » فحوا سبله  
 عمل ایدوب بو طائفه پرشور و حلم یوزندن معامله کوستردی و مضمون  
 منیف « والکاظمین الغبط والما فین عن الناس » ایله حرکت ایدوب  
 خواجه جهان بونلری استقبال ایدوب خانقاهنه کتوردی و مکان  
 کوستروب بیورک ددهل دیدی و انلرده اسلوبلری اوزره مکان  
 مزبوره کچوب اوتوردیلر بعده خواجه جهان خدمتکارلرینه امر  
 ایدوب مثال فرش بوقلون نعم کونا کون چکدیلر چون نعمتی تناول  
 و خدای بیچونه شا و صاحب خانقاهده ایدوب ارواح پیر و پیش  
 قدملرین دخی دعای خیر ایله یاد قیلدیلر بعده پیرلینه قارشو سجود  
 ایتدیلر صکره قالقوب اللرینه دائره قدوم الوب رسوم قدیمه لرنجه  
 و آیین باطله لرنجه جوش و خروش ایدوب بعده خاموش اولدیلر خواجه  
 جهان دخی کریبان تفکر دن باش قالدیروب خوش کلدیکر درویشلر  
 و قدم کتوردیکر دلریشلر نه دیاردن کلور سز و نه طائفه دن سز  
 و سزه کیم دبرل و پیر کزی نه نام ایله ذکر ایدرل دیو ییوردی چون  
 طائفه ابدالان خواجه دن بو طرز اوزره سوال قبل و قال کوش  
 ( ایتدیلر )

ایتدیلر فی الحال اول جهور مقهورك پیشوای پیش قدمی حبران  
 دده نام بر محمد قدمی بسط بساطه مقال ایدوب دیدیکه ای خواجه  
 جهان بزدیار رومدن کلورز و حضرت سید غازی و نفس اماره  
 مغازینک درویش لردن و شد چراغ ایله روم ابدالریوز و جسم  
 برداغ ایله عثمان بابا کوچکلریوز و محمد علی حضرتلرینه دوست  
 صاحب پوست برکوه عربانلر و حسن و حسین قربانلریوز بو  
 پیرمزه اسلام بابا و بو پیرمزه پیرینه عربان بابا دیرل و طریقت سلیکینک  
 رهبرلری و حقیقت ملکینک دمیرلری و بیشه ولایتک شبرلری و بو پیرمزه  
 باش خلیفه سینه قربان و ایکنجی خلیفه سینه منصور بابا و اوچنجی  
 خلیفه سینه دریا بابا و دردنجی خلیفه سینه جهنم بابا و بشنجی  
 خلیفه سینه سرد سینه بابا دیم کله معروفدر و حالادرگاه ( احمد  
 مختار صلی الله علیه و سلمه ) یوزل سوزمکه جانلر نقدین خاک پاکنه  
 نثاره کلدک بحمد الله تعالی که بو دیارده دیدار شریفکنز ایله مشرف  
 اولدق دیک اول ساعت اسلام بابا کریبان تفکردن باش قالدیروب  
 جوابه اغاز ایلدی \* جواب دادن پیر ابدالان \* دیدیکه ای خواجه  
 حالی هم وای سخنی سفره کستر کوش هوشک طوتیکه سنی اسرار  
 واقف و علم لدنی به عارف قیله لم اولام معلوم اوله که ابدالان  
 زمره سینه ایکی حالی واردر بریسی ظاهر حاللر بدرکه مشاهده اولنور  
 و بریسی دخی اسرار مافی البالربدرکه انجق اهل باطنه کشف اولنور  
 اولام ظاهر حاللر بوموال اوزره اولغه سبب بودرکه وقتا که حضرت  
 صفی عایه السلام جناندن مهجور و جسمندن حلال بهشت دور اوایوب  
 ارضه هبوط ایتدی اولدم جسمی عربان اولغله مغموم اوایوب تسنن  
 ایچون مبانته تنور بغایوب کوه سرندییده سدرمق ایچون حبش  
 اکل ایدردی بزدخی اکا تبعیت ایدوب میانه تنوره بغایوب عربان و اکل  
 حبش ایتمکه متصل حبران اولورز ( مشنوی ) انک اولادی قیلدی  
 بیرنی خلاق \* بیرنه دوشمکه اکه اوله بز عاق \* ولد کیم والیده  
 اویسه خلفدر \* اگر او بماز ایه که ناخلفدر ( نثر ) اکا بناء بو

خانقاه عالمه عربان ویران کررز و بحال ایله سیر و سفر و عالم بالایی  
مقر قبلورز و حضرت آدم آسا جسممز عربان و سرسری و دوام عوام  
اولان خرقه و تسبیح قیدندن بری کررز و دخی عالم ایچره سیاحت  
ایله هر گوشه سیران و متصل اسرار خوارقله اسرار و واقف  
اولوب حیران اولورز ایمدی ای خواجه روادر که سندخی اسرار مزدن  
نوش و غم دنیایی بزم کبی فراموش ایدوب اسرار عالمه واقف و حقایق  
اش سیاه عارف اوله سن و بزای خواجه غم دنیا ایله منفعل و روزمره  
ابچون آزرده دل اولماز زیرا بزه خانقاه و منزل بوطاق کردون و رزق  
دکان دهرده مخزوند و محصل بز دانش ابدالان و پیش ملحدان اوزره  
حقایق اش سیایی بلدیک و خالق معبودی آکله دیقی اول اجدان اسرار خدا  
ایله حیران وادی حیرته سرگردان اولوب سودای زلف سیاه لیلی  
حقیقی ایله مجنون و جام عشق خدا ایله مرکز دایره عقلدن بیرون  
بر بلوک افتاده و بساط قطع زبیده شهادت ایدیچی فرزانه و مضمون  
(ایس علی المجنون جرح) ماصدقی و (دیوانه را قلم نیست) مصادوقی ایز  
وروزه و تسبیح مکلف اولانه لازم و مهمدر و بز صورت پرستلک احوالی  
فراموش و سرچشمه عرفاندن ماء معرفت نوش ایتدک و آستانه  
سید غازی بی کعبه مثال طواف و اول جای صفا بخشنده اعتکاف  
ایدوب آیش دنیای دنییه هوس و شهاده سهری وقایه مکس  
نزل ایتوب قاف قناعتده مانند هما و ملک فقر ایچره پادشاه اولوب  
مضمون (الفقر فخری) درجه سنک باب حقیقته داخل و صفای درون  
ایله (القناعة کنز لایفتی) خزینه سنه واصل زیرا وجود بشرینی  
سلب ایدیچک غیرت حق ظهور و سرای دلدن ماسوایی طرح قلیچق  
سلطان عبور ایدوب واصل مراد و داخل طریق رشاد اولورز و دخی  
ای خواجه اهل حال تراش و لویه مزدن دخی قیل و قال ایدوب بیان  
ایده لم بیلکه جنانده غبار خط عذاره عارض اولوب روی انسانی  
سیاه و قیدموی ایله حالن تپاه ایتوب آینه روین تابناک و تمام  
صفا ایله یوزن مجلا و پاک قیاب و نقوش دو عالم آمده عیان و جله  
(اشیا)

اشیا اول آیندده نمایان اولسی نمایان و محل کمان دکلدر و بردخی  
 (من تشبه قومافهو منهم) فحواسیله عمل ایدوب رویز غبار  
 خطدن ساده وخرمن لویه وشار بمنزاده ووروب مرآت رخساریمزی  
 مجلا وغبار لویه دن ابا قیلدی ز را روی بشر معنیده مهر عالمتابدن  
 انوار ایکن اول مهر منوری سحاب خط ایله تیره و تار یک وظلمته  
 شریک ایتک طرز نادانه و اسلوب بیکانه دکلدر ودخی ای خواجه  
 واصل مقام (طوبی لهم و حسن مأب) بز (موتوا قبل ان تموتوا) سرنه  
 خیر و حقیقت عالمه بصیر اولوب فاعل حقیقی جنبشندن خبردار  
 وواصل درجه ابرار اولدی ودخی ای خواجه بزى سن بنده وعبادت  
 ظاهر یه افکنده صاعقه (منوی) بز قول و غمزدن اول غنیدر \*  
 که هرتن امریک پیراهنیدر \* نه جنبش کیم قویار هرشی اوزندن \*  
 عبادتدر اکا معنی یوزندن \* مقامی ز مقام وحدتک بز \* ندیمی یز  
 قدیمی حضرتک بز (نثر) و بوجهانده محمد وعلی یه دوست ولباس  
 زربفت یرینه برپوست بزه بسدر و حسین ایله حسن عاشق یوز  
 وانلری کر بلاده شهید ایدن یز بدلرک عدول یوز و عاشوراده خون  
 سرشکمز روان ایدوب نوحه لر واول سلطانلرک روان اولان خونلری  
 ایچون شرحه لر چکرز محصل کلام ای خواجه محترم بزه سرور محمد  
 المصطفی و مرشد رهبر علی المرتضادر و یوز کرایتدیگمز امور ظاهر  
 احوال مزدر لیکن اسرار مافی البالازی بنکیله وصف و بیان و رازمزی  
 بیکانه ره کشف و عیان ایتمز دیوب بعده جهنم بابا نام مریدینه  
 خطاب ایدوب عجبا کشف راز ایله خواجه بی صاحب معرفت  
 سرافراز ایلسکمی ایمانم دیدکده جهنم بابا دخی ای واللہ پادشاهم  
 سونلک کر کدر خواجه نک سیماسنه قابلیت دوشر اوله که ارنلر همتی  
 ایله برجدیدار پیدا اوله دیوب جواب ویردی پس اسلام بابا دیدیکه  
 ای خواجه جهان چونکه ظاهر احوال مزه واقف اولدک لایق اولدر که  
 اسرار مافی البالزه دخی عارف اوله سن بیانکه بز هرملک زبده سنی  
 مذهب ایدیکه ممتاز و سرافراز اولمزدر اولاشرف ادیان اولان

دین اسلام ارث نردن قطب الولاية شاه مردان علی مرتضائک  
 خاندانته محب اولائیک رسم و آینه لرین طوتوب تبرا و تلقین بعده نشین  
 و پوست تعیین ایدرز و اماملر زیارتی مکّه و مدینه زیانته تقدیم ایدوب  
 رسم الحاد امر معتادیمز اولشدر و ثابعا عقلی پیشوا ایدین فلاسفّه ک  
 عقل ایله بولدق لری اعتقاده اعتماد ایدوب فلاسفّه دهر یون  
 زعجنجه و قدمای طبیعوندن سقراط و بقراط قولنجّه قدم عالمه ذاهب  
 اولوب افلاک دور دائم اوزره افلاک هر دوره سندن اول بر دوره  
 وارد و عالم افلاک عناصر قدیم در دیرز و اصل عالم طبایع اربعه در  
 جله سی قدیم در و باطبع مؤردر بو طبایع متافره مدت مدیده امتزاج  
 ایتکله عالم ظهور ایتشدر امتزاجدن مراد هر عنصر صورت  
 و کیفیتدن چقبوب بر صورت مرکب معتدله بولماسیدر و بو عالم  
 امتزاج طبایع ایله دور دائم اوزره در دیو اعتقاد پیدا ایدرز و بعضین  
 قدمای حکمدان دهریه معطله مسالکنی دخی اختیار ایتشدر  
 و بعضین تناسخیه مذهبنی دخی اختیار ایتشدر هر بریسی بر مسالکدر  
 اما اکثریمز قولی اوزره عالم ازله اجزاء متفرقه ایدی کورا کوار  
 و دور ادوار ایله اجرام عالم و اجسام بنی آدم ترکب ایتشدر و زحق  
 تعالی یه نه موجود نه معدوم نه عالم نه جاهل نه قادر نه عاجز  
 دیرز بلکه جمیع افرادک رییسدر و جمیع افراد عالم معادن و نبات و حیوان  
 و انسان امتزاج عناصر دندر افلاک و نجوم اباء علویه و عناصر اربعه  
 امهات سه فایده در قچانکه عناصر امتزاج ایدوب بری برندن فاعل  
 اولدقده صورت نباتیه سی قبوله مستعد اولسه نبات حاصل اولور  
 بعده اول نباتدن حیوان اکل ایلدکده دمه منقلب اولور دم دخی منی  
 اولوب رجه منصب اولیجی صورت حیوانیت حاصل اولغله حیوان  
 اولور و اول حیواندن انسان تناول ایدیجک بدن انساننده دمه  
 منقلب اولوب دمدن منی حاصل اولور اول منی رجه دوشدکده  
 صورت انسانیه سه استعداد حاصل اولغله انسان اولور اول آدم  
 فوت اولدقده بدنی خاک اولوب مدت مدیده دنصکره اول خاکدن  
 ( اصابت )

اصابت امطار ابله امتزاج عناصر در بنه نبات حاصل اولور وجه مذکور اوزره مرور ایامله طور نباتدن طور حیوان طور حیواندن طور انسان دور دائم اوزره سیر ایدر بر شخصک اطوار اربعه ده سیرنک مدتی سکسان یک ییل اقل مدتی اوج آی تخمین اولمشدر شول کسه که تحصیل کمال ایتکله تکمیل نفوس ایش اوله اطوار اربعه ده سیرنی اوج آیده تکمیل ایدر طور عناصرده بر آی طور نباتده بر آی طور حیوانده بر آی دردنجی آیده طور انسانیه قدم بصار اکر تحصیل کمال ایتدبسه هر طورده نیجه بیک سنه سیر ایدر و ناقص صرف ایسه سکسان بیک سنه سیر ایدر دوره سنی تمام ایده من هر کس کمال و نقصانه کوره اوج آبله سکسان یک سنه مایندده دور ایدر دیو تخمین اولمشدر زرا کوریز که هر ولدن اول برولد و هر بیضه دن اول برد جاجه و هر زرع دن اول بر زراع و هر فعلدن اول بر فاعل محققدر بوذ کراولتان دور دائمی طائفه ملاحده نک متأخیرینی تخمین ایشلردر فصوصده وارد اولان حشر معناسنی ذکر اولان دور اطوار ذبیه عناصریه ده عذاب تردد ابله معذب اولقله تأویل ایده برز و بوذ کراولتان دور اطوار حروفی و نقطه و بلیک و ابدالان رومینک و حیدر بلیک و قلندر بلیک مختارل یدر فی زماننا ادهیمه و کشتیه و مولویه و خلوتیه دن گاهیجه بعض درویشلری بوسمتیه چکمک دومر لیکن نادر واقع اولور اکثری عناد سمعنده قالمشدر و طائفه حروفیان و نقطه و بیان اکر چه الحاد سمعنی طوتمشدر لیکن حاجی بکتاش تنوره سنی قوشاقدقلری ایچون دکلدر ید بشریه مشابه علم حروف و علم نقطه دیو بر اولماز بیهوده سودا پیدا ایدوب ماینلرنده کشاکش اوزره اولدقلری ایچون باشلردن دائما بلا اکسک اولماشدر طوائف مذکوره نک سبب ظهورلری اولدر که هجرتک ست مائة تاریخی حدودنده زمرة ملاحده روافضدن فضل الله نعمی استرآبادی ظهور ایدوب آخر الامر کفریاتی ظاهر اولدقده (انجانه) ده بویینی اور بلوب رأس ضلالت اولان سر بی دولتی نجاسته دوشمشدر و جیفه مرداری خار و خاشاک

اور تاسیفة براغبلوب نیجه ایلم طعمه کلاب و لقمه زاغ وزغن  
اولمشدر سبب قتلی بودر که عدول مسلمانن جم غفیر وجع کثیر  
مجلس شرع شریفده شهادت ایدر که مذکور فضل الله تألیف  
ایلدوی علم حروف نام الفاظ الحادی جاودان کبیر نام کتابنده درج  
ایدوب مرده سنه انجانهده افشان ایدر کن حاشا درس ویررگاه  
نبوت دعوی ایدرگاه الوهیت دعوی ایدرگاه (ان الفضل بیدالله  
یؤتیه من یشاء) آیت کریمه سندن وگاه (ذلک فضل الله) کلانندن  
مراد بنم دیو دعوی ایدر حاشاشم حاشاگاه حق تعالی حضرتنی  
انکار ایدر وگاه حقندن مراد عناصر ار به در دیو کفر سوبلر وگاه  
دیر که حضرت محمد المصطفی صلی الله علیه و سلم بکرمی سکر حرف  
تکلم ایتشدیر اما بن درت حرف دخی زیاده ایلش مکه اول حرفلر  
(پاچاژاگما) حرفلریدر بودرت حرفی بن زیاده ایتدیکم جهتندن  
افضل اولدم بن فضل افضل دیو کفر یاتی سوبلر دیکنی شهادت  
ایتدکلرنده کندی دخی اقرار ایتکبن قاضی شرع شریف دخی  
حکم ایدر که اول کفر بانه مدرسه ایتدیکنی جانجانهده فضلی  
چو کردوب بوینن اورد کلرنده کله سی خلا دلیکنندن نجاسته دوشر  
وعاقبتی بو حال ایله ختم اولوب حالا استراباده بر مزبله وخار وخاشاک  
ایچنده قالمشدر و ذکر اولنان طائفه ملاحظه ک اعتقادی بویله در که  
هر کیسه که الحادی تکمیل ایله اول کسه سید اولورا کابناء کندی  
و میریلری سبادت دعوی ایتشدر و حاشاشم حاشا مذکور فضلال  
نیجه مرده سی واردر باش خلیفه سی محمود سنجانن وایکنجی سید  
نسیمی و اوچنجی اسحق و در دنجی ابراهیم بقالدر مذکور محمود  
سنجانن بر کیجه واقعه سنده کورر که بریاض قبض منقط کیش  
ایرته سی بورژوبانی فضله سوبلری فضل دیر که اول کوردیک قبض  
مذهب اشاردیر و اوزرنده اولان نقطه لر علم نقطه یه اشاردر معلوم  
ایدیکه بنم خلفامدن محمود نام بر شخص بنم پیدا ایتدو کم علم حروفی  
ابطال ایدوب علم حروفه مخالف علم نقطه دیو بر علم و بر مذهب پیدا  
(اینسه)